

安陸府志卷之二十一

武略列傳

緩帶輕裘綸巾羽扇譚笑却敵奚取善戰攻心爲
上竒才罕見下此者何長鎗大劔傳武略

漢

王匡 王鳳

王匡王鳳按漢書王莽末南方饑饉人庶羣入野澤
掘鳧茈而食之互相爭奪新市人王匡王鳳爲平理
爭訟遂推爲渠帥衆數百人於是諸亾命馬武王常

安陸府志

卷二十一

一

陳丹等往從之共攻離鄉聚藏於綠林中至八九千
人地皇二年荊州牧某發奔命二萬人攻之匡等相
率迎擊於雲杜大破牧軍遂拔竟陵多略婦女還綠
林中至五萬餘口州郡不能制三年大疾疫歿者且
半乃各分散引去王常陳丹西入南郡號下江兵王
匡王鳳馬武及其支黨朱鮪張卬等北入南陽號新
市兵皆自稱將軍七月匡等進攻隨未下平林人陳
牧廖湛復聚衆千餘人號平林兵以應之劉聖公因
往從焉爲其軍安集椽會光武與兄伯升亦起舂陵

於是使宗室劉嘉徃誘匡等合軍而進西擊長聚進屠唐子鄉殺胡陽尉遲進拔棘陽因欲攻宛至小長安與王莽前隊與大夫甄阜屬正梁丘賜戰時天密霧漢軍大敗伯升復收會兵衆保棘陽阜賜引精兵十萬南渡黃淳水爲營示無還心匡等見漢兵數敗阜賜軍大至各欲解去會得下江兵王常等合從乃更敗阜賜斬之時諸將議立劉氏豪傑咸歸於伯升而新市平林兵樂放縱貪更始懦弱遂定策立之更始元年以王匡爲定國上公王鳳爲成國上公及王安陸府志

卷二十一 二

李松軍擲以拒之及張邛等謀劫更始東歸事覺更始疑王匡陳牧陳丹與張邛等同謀遂斬牧丹王匡懼將兵入長安與張邛等合李松還從更始與趙萌共攻匡邛於城內建戰月餘匡等敗走赤睂至高陵匡等迎降之遂共連兵而進更始敗降見殺後鄧禹遣馮煇宗歆守狗邑二人爭權相攻光武遣尚書宗廣持節降之王匡與陳丹等皆詣廣降與共東歸至安邑道欲亾廣悉斬之

蜀漢

安陸府志

卷二十一

三

馬謖

馬謖字幼常良之弟仕昭烈爲越雋太守才器過人孔明南征謖送之亮曰雖共謀之歷年今可更惠良規謖曰南中時其險遠不服久矣今日破之明日復反公今方傾國北伐以事強賊彼知國勢內虛其反亦速若殄盡遺類以除後患既非仁者之情且又不可倉卒也夫用兵之道攻心爲上攻城爲下心戰爲上兵戰爲下願公服其心而已亮納之深加器異以爲參軍昭烈臨崩謂亮曰馬謖言過其實不可大用

君其察之亮每引見談論自晝達夜及亮出軍祁山以謾督諸軍與張郃戰於街亭謾違亮節制敗績亮流涕斬之撫其遺孤恩若平生

南宋

張興世

張興世字文德竟陵人少家貧太宗矜之以爲竟陵郡叅軍後爲光祿大夫卒興世居臨沔水初生當其門忽生洲及興世顯洲盈十餘頃興世久秉軍旅歷事猜昏之主能以功名自終固甚竒也子欣泰欣時

安陸府志

卷二十一

四

泰少有志節不以武業自居好隸書讀子史交結多名士每遊園池著鹿皮冠衲衣錫杖挾素琴殊不類將家兒舉止也後遷諮議叅軍智略英邁後與胡松等謀廢立事覺伏誅欣時初爲諸暨令坐罪當歿時張融爲竟陵王子良長史乞以身代以欣時父興世之能生其父張暢也子良曰此乃是長史美事恐朝有常典不得如長史所懷

齊

鄧元起

鄧元起字仲居當陽人初仕齊爲武寧太守梁武起兵公率衆會於夏口建康平進征虜將軍梁天監初封當陽縣侯爲益州刺史以鄉人庾黔婁蔣光濟並厚待之任以州事詔徵右將軍後爲蕭淵藻所殺贈征西將軍謚忠侯

唐

許紹

許紹字嗣宗安陸人始唐高祖爲安州總管紹時爲兒同學相愛及高祖即位賜書道平生舊深加慰納

安陸府志

卷二十一

五

蕭銑將董景珍降命紹率兵應接以破銑功擢其子智仁爲温州刺史銑遣楊道生圍峽州紹擊走之銑將陳普環具大艦遡江與開州賊蕭闍提略巴蜀紹追戰西陵覆其兵禽普環悉獲戰艦制書褒美許以便宜紹境連王世充及銑其下爲賊剽者皆見殺紹得敵人獨資遣之二邦感義殺掠爲止進譙國公賜帛千段趙郡王孝恭等伐銑復詔督兵圖荊州會病卒於軍帝爲流涕貞觀中贈荊州都督

梁

張齊

張齊字子響馮翊郡人世居橫桑或曰橫桑人也少
有膽氣初事荆府司馬垣歷生歷生罷官歸吳郡張
稷爲荆府司馬齊復從之稷甚相知重家居細事皆
以任焉齊盡心事稷隨歸京師稷爲南兗州又擢爲
府中兵叅軍始委以軍旅齊永元中義師起東昏徵
稷歸都督宮城諸軍事居尚書省義兵至外圍漸急
齊陰與王珍國定計夜引珍國就稷明日弑東昏於
內殿高祖受禪封齊安昌縣侯邑五百戶仍爲寧朔
將軍歷陽太守齊目不識字而在郡有清政吏事甚
修天監二年還爲虎賁中郎將未拜遷天門太守寧
朔將軍如故十一年進假節督益州外水諸軍齊在
益部累年討擊蠻獠威名行於庸蜀十七年遷持節
都督南梁州諸軍事智武將軍南梁州刺史普通四
年遷信武將軍征西鄱陽王司馬新興永寧二郡太
守未發而卒時年六十七追贈散騎常侍右衛將軍
賻錢十萬布百疋謚曰壯

郝處俊

郝處俊安陸人父相貴因隋亂與婦翁許紹據峽州歸國拜滁州刺史封甌山縣公處俊甫十歲而孤故吏歸千縑贈之讓不受及長好學嗜漢書貞觀中進士高麗叛詔副李勣征之師入未陣賊遽至舉軍危駭處俊方據胡牀餐乾糗不顧密遣精銳擊之衆壯其謀入拜東臺侍郎浮屠盧伽逸多治丹藥高宗欲遂餌之處俊諫止帝多疾欲遜位武后處俊諫不可卒年七十五贈大都督

嗣

安陸府志

卷二十一

七

胡美

胡美初名廷瑞漢沔人至正間仕陳友諒爲江西行省丞相守南昌歲辛丑八月爻諒走武昌美遣宣使鄭仁傑詣大江納欵於明太祖壬寅春兵至南昌美迎謁於新城門外俾仍故官癸卯友諒戰歿於彭蠡其子理奔武昌率諸將及美征理於武昌理出降武昌悉平乃規取淮東同相國徐達等率馬步舟師水陸並進是冬克海安泰州淮泗壽潁俱下吳元年伐張士誠遂拔無錫州以歸論功加榮祿大夫命爲征

□將軍繇江西取福建帥師度杉關略光澤縣師至
□武元守將李宗茂以城降得將士五千四百餘人
至建陽降其守將曹俊疇命指揮沈友仁守之洪武
元年功成進秩召美以榮祿大夫中書平章兼同知
詹事院事率師至建寧元守將備禦甚堅美等進兵
數與挑戰達里麻等固守不出環其四門攻之達里
麻不能支夜潛至文輝營納款福建悉平授開國輔
運推誠宣力武臣榮祿大夫柱國封豫章侯食祿一
千五百石令世襲賜誥命鐵券十三年改封臨川侯

安陸府志

卷二十一

八

李廷琛

李廷琛景陵人洪武初從鄧愈取江南定武昌擢景
陵衛指揮使奉旨攻南陽各屬克之又平新寨麻張
等叛賊克諸石腦寨及降葉舞陽魯山諸縣從拔徐
州九月擊洪山老馬劉寨擒殺甚衆是年冬從討河
西獲奔張子是金商均房諸州悉定三年西擊王保
保營五年從討澧州等處溪洞蠻夷皆預有功

李浩

李浩字德廣安陸州人正統丁卯貢拜兵科給事中

英宗見其儀壯偉甚每欲超遷之擢南京工部侍郎
勅總京儲兼理屯政處置咸宜後轉貴州布政司適
苗夷爲患拜副都御史往撫治之四川大壩夷亂統
兵征勦所向克捷

劉洪

劉洪字希範安陸州人成化戊戌進士歷官僉都御
史巡撫貴州值米魯叛後剪餘黨城其要進副都御
史正德戊辰進右都御史撫廣俘斬潮惠諸郡劇賊
及榔桂流寇八掌南臺會北寇猖獗修水戰豫防之
安陸府志
卷二十一
九
子槩渠臭俱進士

王希旦

王希旦字景哲成化丁未進士拜南京大理寺評事
進寺副讞獄多所平反遷廣東僉事下車即出按嶺
東徭人積歲梗化爲地方患公招徠撫輯恩威所被
靡不懷畏潮州盜起劫奪鄉村公冒險危單車抵其
巢穴諭以禍福即日降海島羣盜蜂起率先事有備
而民不懼害繼按嶺西海北二道值瓊南黎人作亂
三郡率師往討之二道與瓊南犬牙地也軍需咸取

給二道公先期區畫歷險刊道以便大軍之進既而師捷公贊畫之力居多比班師軍民數千人遮道舉手加額曰吾儕今口再生之樂非公之賜而誰也當事者方議上其功而公亦考三年之最瀕行遇疾卒於位聞者莫不嗟悼多泣下者有古不相杵之遺悲焉

劉渠

劉渠字清甫洪子與弟臬同舉正德辛未進士歷官至都御史辛丑巡撫雲南距京師萬里沐國怙勢多安陸府志

卷二十一

十

所不法公嚴爲約戢令行禁止安南苗情告急設方略計安反側居三載頌聲徹遠邇後貴州鎮筭銅仁麻陽告警悉爲勦撫適分宜當國忌其功尋落職歸築室漢南別墅讀書談道自樂以壽終

論曰人當生長太平飽食安步抱竒略而不顯一遇烽驚檄走則拊髀思頗牧能無汲汲故摧鋒陷陣者有之開邊拓地者有之保疆固圉者有之具熊虎之姿效鼓鼙之用則端坐讀書毛錐無益斯人能以武略著又安可少哉